



謹齋詩稿

淮海 許志進

辛卯年下

登滕王閣三首

江山雄勝擅洪州極目風煙畫閣收  
山走衡廬荆楚合江涵章貢古今流  
龍沙舊接仙人館玉珮空傳帝子遊  
人代茫茫秋色遠雲帆鷗鳥亂汀洲

危樓百尺上晴煙畫棟珠簾又此年  
兵燹移時論浩劫登臨終古托名賢  
簷邊一線江湖白檻外雙星牛斗懸  
爲問三王詞賦後何人詩筆壯山川



乘風破浪訪通津伯嶼元嬰跡已陳恰有登樓能賦客  
同為呼酒看山人厭原黛染千峰潔南浦秋生七月新  
聞道岳陽煙景闊心神飛越楚江濱

閣上逢漢陽張莘田因談楚四樓之勝故並及之

### 逢郭饒州話舊感懷二首

曾侍容臺列負牆承明下直覲清光

房師青崖賽公官禮部時君在西曹時得奉教今二十餘年矣

頽然玉立看長鬚調笑侏儒共一囊八載鄱陽稽薛振  
廿年郎署憶馮唐平生一掬西州淚此日逢君倍感傷  
磊落依然可笑身重懷舊事一傷神李元禮有登龍客  
皇甫規非附黨人廬阜秋雲彭蠡近海天蜃市介灘鄰  
上書久笑南昌尉休說彈冠貢禹新

### 滕王閣見陳南安大書愴然感賦二首

牂牁萬里一歸航雪夜題詩記草堂幾欲就君分玉枕

贛江西上水茫茫

戊子冬杪送別有就君分玉枕之句

憂危老淚落如絲巫

傷心去國詩今日江樓鴻爪跡

何如水殿紀恩時

訪憩雲僧僻訂廬山期足疾未愈以詩見柬次其

韻

聞道開先接勝流炎天枯坐水南洲獨尋慧可安心諦  
不共盧敖汗漫遊詩味劇於禪味淡南山何似北山幽  
書臺漱玉懷師處雲木蒼涼萬壑秋

百花洲用前韻

水滿東湖瑩不流晴秋風動百花洲  
箕山近接龍沙長玉殿遙傳翠輦遊

洲上近堆土山構行殿以備臨幸

孺子祠荒葭菼第雲卿

圃老槿籬幽溪毛採擷荒林晚一奠澹臺古墓頭

謁徐孺子祠有作

元興之季墮炎精羣小竊柄恣橫行  
東園官爵買銅臭北寺詔獄紛媯刑  
鈎黨一網收八紘賢人運否天僂僂  
蕃武李郭出死力拮据手口交相爭  
先生柴門枕江水與世漠漠遺榮名  
有道一繩維大木忘身潔已名雙清  
東湖白社渺煙水歸然塵外留孤亭  
荒阡咫尺近子羽

蔬圃寂莫鄰雲卿懸榻高風起頑懦  
不朽遺蹟存沙城君不見權奸富貴等  
灰滅孺子名與江水潔

南塘曲二首

東湖望郎處南浦采菱船日暮蕭蕭雨  
菱歌隔浦煙翻翻蓮葉風泛泛菱塘水  
與郎對門居銀河天一浹龍沙秋眺因  
寄懷山中逸人

一上龍沙望烟林蔽遠郊樓臺江岸坼  
風雨楚天交戰鬪悲蛇豕承平算斗筭  
神仙不可即笠屐訪雲巢

夜雨

欲放扁舟去北風連日多山堂聽秋雨  
蕭瑟夜如何

枕簟

枕簟涼侵旅思清  
燈昏酒醒夢難成  
草窗唧唧聞蟲語  
竹几娟娟見鼠行  
錦瑟華年摧半破  
清秋皎月墮三更  
神傷此夜殊方客  
脉脉難忘舊侶情

薛公精舍二首

坐盡湖山美秋林  
葉未疎閒雲眠几案  
止水浸階除古  
佛同鄉井名僧共  
草廬聞鐘到蓮社  
舊識遠公居

薛公滇人頃自

滇移來滲金銅佛莊嚴相好  
構殿未畢作茅茨三楹覆之

小憩尋山脚亭臺得未曾

精舍臺殿一新  
蓋撤行宮為之

地居天帝室神運

雁門僧廬阜連雲出秋晴  
勸客登木瓜甜苦笋茶話白

雲層

幽蘭

市得秋蘭一盆葉短花小素心白莖瓣淺白有紅暈香淡  
而幽每箭花四五朵箭不過五寸蓋異種也感而詠之

幽蘭名山姿擷芳當清秋  
花葉異常植蠻方偶見收空  
香生淡漠可襲不可求  
市人競穠郁棄置傷纖柔  
感我後時心旅館風颼颼  
紉作湘纍佩行歌方遠遊  
夜涼操素琴古調空悠悠

聞雁

北風連夜發吹雁到南鄣  
冷月照清影飛鳴知幾行  
江湖秋思迴天路羽儀長  
牛斗乘槎客歸心切故鄉  
晤留耕司業話舊因送入都二首

京洛分攜悵各天相逢江表意悠然功名顛倒羣公上品藻風流我輩先篋笥共探新句子升沈重說小行年醇醪憶醉蘇司業更爲招邀費酒錢

小鳳聲如老鳳清名家父子擅才名公子舍人見示新作一門詩筆

稱同調再世清華接老成拔劍倚天歌慨慷臨江酌月

興縱橫雲山望眼遮難盡北斗闌于是帝京

### 懷八大山人

名著身難隱時違道自全風流趙承旨放浪李青蓮畫拙渾諧世詩狂半入禪無人共清賞秋月冷江煙

### 懷張興國弘蘧

風雅潘懷縣飄零李翰林酒杯邀木客詩律和山禽木客在止

洛山中弘蘧詩集名曰澤家澤家鷓鴣聲也秋水激江碧晴嵐上洛深京華游好在

### 十載別離心

晤蔡武寧得令詒消息因懷鐵頑

枳棘卑棲窘超然遠引餘陶潛不歸去潘岳且閒居老

屋荒江路窮愁逐客書牙籌握算者消息比何如鐵頑移家平湖

竟致富

### 遊西山五首

西山亘長虹倒影明江瀨幾回望朝爽高與滕閣對輕舸亂洲渚極目蒼煙外修坂軫平疇嶺樹丹黃繪坡陀

廿餘里積翠籠深靄連山湧波濤股脚分勾帶荒荒流水聲絕壑澄秋籟言有古仙人於此學蟬蛻長年準金石累劫能不壞我行事幽討遺蹟求茫昧白雲滿巖谷  
翛然遠塵蓋

澗道交長松碧瓦橫蕭寺臺殿岌屢屨雲嵐帶薜荔緇衣三數人問客何方至世外修敬恭茗果致麤糲禪關迴清淨且得便坐睡爲問洪厓井層厰覆幽邃崎嶇澗石底側足惕遙睇深深下無極頗訝泉壤閔仙人騎蒼龍時復此游戲流水自人境可望不可厲鐘磬隔烟聞悵焉返初地

山經譜大荒荒怪殊難言禹貢略蠻裔神仙事不傳新安天子都九江敷淺原厭原咫尺中曾不載簡編豈知達生人有道太古前服氣陶容成葆真鑄倕佺稊穉幾堯舜羲軒差等肩此山介蠻邦井竈乃依然能令百世士鍊形成飛仙以我遺俗客冲舉慕前賢悠悠梅子真期我極真天明日拂煙嵐寄嘯空山巔

朝步青崖高白日薄秋影雜樹響幽禽逾益空山靜石側獰鬼搏澗偏玉龍騁盤盤轉仄磴藹藹拂煙景初得逍遙溪更訪鸞鶴嶺不知峰路長香城上杳冥玄猿嘯絕澗浩浩衣裳冷白雲生肘間始諒非人境巖下二老

人道貌偏所秉知我櫻塵垢高論發猛省授我長生訣  
坎離調一鼎

飄然出巖洞脉脉尋天倪回頭大蕭峰已失青冥梯更  
欲叩靈樞心理了不疑大藥在吾身芝朮空爾為緬懷  
吳許儔矯翮凌霞飛空山舊壇館猿鶴如犬雞紛紛舐  
鼎人相望渺雲泥吾聞黃龍禪能破呂老迷何當達妙  
旨印破人天師寒泉流澗壑靜與松聲馳秋色自人間  
重來定何時

翠巖寺和漫堂中丞韻留贈宗上人四首

章江西畔路秋色淨層巒峽入牛鳴近林開寶地寬鐘

聲白日靜雲影一溪寒為訪神仙蹟披蘿捫石看  
金地蕭梁舊禪林古雪興名山千載秘高閣幾人登覓  
徑披黃葉看雲杖老藤天童有遺旨拈出建溪僧  
落日懸崖寂琮瑤走石泉僧依死心法洞啟列仙傳梵  
唱穿雲出禪牀借客眠塵緣吾掃盡欲辦買山錢  
更訪巖西澗山荒草樹堙言尋伏虎蹟不見採芝人開  
府留殘碣題詩接勝因他年旌節地曳履動星辰

詠菩提葉

菩提壇在粵東此葉漚去青膚獨存絲  
縷越僧善護持數片為贈因賦此答之

薄於蟬翼細於紗寄自朱陵智藥家玉葉不須勞刻楮  
秋池聊復類漚麻壇從西竺移根古樹許南能喻法賒

解向虛空觀實相天風吹落認曇花

漚作平聲本池上漚麻  
屢老拳之誤而用之

游西山雜詩十首

石頭津

一葦航江水凌風過石頭浮沉幾魚雁為問致書郵

銅山

寶氣騰金虎銅坑鑿漢年山靈笑吳淠底用八銖錢

旌陽館

雞犬飛昇地人間許敬之何人同拔宅白羽渡江時

徐鉉墓

江水東流去降王泣汴宮舒州徐騎省啣恨到泥中

施肩吾石室

棲遯終無悶名賢恥暗投危機妨弱羽枋國有齊丘

陳陶宅

珍重尚書意蓮花夜雨身笑他陳處士辜負錦衾人

聽松堂

花磚認遺甃人說李齊王天半鳴清籟松聲咽古堂

香城寺

不見將軍樹空傳曇顯居厭原當絕頂蘭若一峰餘

風雨池

蒼山列長屏空翠三百里風雨妒秋晴天池白雲起

天寶洞

煙霞三十六此是極真天不識人間世歸來又幾年

洪厓澗

用僧吳中韻

白日流風寔幽巖響崩折洞壑黝無底古澗瀉雙闕飛  
瀑飲晴虹八月落寒雪此水向人境滔滔幾時歇坐久  
蕩心神眩眼耳生熱塵纓一浣濯清泚鏡華髮翩翩古  
仙子雲表下幢節羽衣吹玉笙鸞鵠嘯明月咫尺列仙  
居壇館餘芳烈我亦避俗人世緣迴超絕向夕幾徘徊  
天聲散涼樾餐松飲澗淥肺腑良自潔

寄題麻姑壇

我讀神仙傳最愛麻姑篇花面丫頭十八九天衣香潔  
雲垂肩欲倩鳥爪搔背痒不辭意念煩仙鞭竭來洪都  
游悵望南城山仙壇迴入麻源谷蒼池碧玉生青蓮松  
杉偃側自太古石崖螺蚌餘桑田山石中多螺蚌殼玉龍翔舞三  
百丈步虛彷彿聲流天聞姑少年喜狡獪丹砂玉醴行  
金盤雲車翠蓋從五龍時時遊戲過人間蔡經多肉不  
冲舉坐看滄海塵漫天西山不逢吳彩鸞雞皮空笑黎  
瓊仙餐花絕粒不歸去更待雲輶五百年

寫韻軒

吳君冲舉乘雲車雲中雞犬鳴天衢如何小女慕婚嫁

乘龍却選人間夫靈藥不教分月姊聘錢未許賒黃姑  
得非天上足官府仙人還喜逃空虛文簫書生列仙儒  
十年伉儷耽清娛美人書韻韻莫比流傳一本千明珠  
烏絲精潔字端楷硬黃幾冊今在無虞伯生集自言曾見數本至今仙  
蹟留洪都娉婷妙舞傳新吳神仙游戲一朝暮人間流  
轉千陽烏君不見彩鸞騎出兩於菟越王山靄青饜餬

南昌詠古十二首

組練長驅十萬兵潁陰別將總威名洪都里巷雞豚社  
簫鼓年年祀灌嬰

何武居無赫赫名每於去後想高風緹車高蓋人多少

借問何如黃次公

偏師勦力靖王敦罵座寧知温太真八翼飛天笑陶侃

閔居運甍一勞人

叔夏才名白下傳胡牀弄笛興悠然鎮南手握蘇卿節

拍岸西風戰賊船

唐檀羊茂程曾鄧通皆奇士不獨南州孺子賢輿馬士

居覘子羽豫章風節此開先

更始艱言收李淑開陽奉法錄何湯李淑何湯皆郡人興亡成敗

雖難論一事居然見帝王

丞尉區區惜政權金飛水湧是何年不如遯跡西山去

妻子相依共學仙

孔業兼傳周十經南陽宗炳共芳名次宗再入鍾山館  
可得追蹤尚子平

蛟蜃何年此遁逃空餘鐵柱鎖江濤地仙五百今多少  
城畔龍沙一倍高

不識雲脚處士家灌園織履自生涯東湖清逼雄溪水  
並着荒祠祀仲車

社鬼覘知楚俗機楓蕭靈木擅淫祠藥巴去後妖巫喜  
擊鼓迎神醉飽時

百戰英風詫子龍二劉威振海天東公孫白馬聲靈杳

遼瀋家家祀鄧公

與儼山話舊

牢籠一世自英雄豚犬真應愧此翁燕子單棲還着雨  
楊枝搖落可禁風名園老樹侵簷碧高館秋燈對酒紅  
惆悵左思嬌女賦璧人清潤映河東

滕閣秋眺因寄懷碧公

滕閣秋深人獨上章江西望翠橫空山雲不雨常含潤  
楓葉無霜已變紅蠟屐清遊淹病客挂帆歸興問天風  
遙憐慧永雙林外邀我鄱湖夕照中

夜雨

臥聽空齋雨蕭蕭欲徹明窗燈明滅影街鼓寂寥聲雲  
重江天黑風迴草樹鳴客心顛倒極聒耳幾相驚

寄故園親友二首

越嶠吳山客路遙章江穩泛木蘭橈雲巖賺我輕千里  
煙水逢僧話六朝衣帶經時成日緩吟箋觸緒任頻挑  
匡君白鹿能相借絕頂秋晴問沆漻  
病客秋深興激揚自嗤巖壑痼膏盲遠遊似爲離騷悞  
大藥難求石髓嘗黃海已虛逋客駕章江仍滯賈胡航  
射陂衰柳蒲帆影白雁霜天正着行

病中柬若村太史兼懷澹園奉常

負疴門館閒偃仰過昏朝殘夢失秋聲屋角風颼颼臥  
疑山雨驚起見海日高寂寂東籬花粲粲寒香苞珍貺  
煩太史採摘忘飢枵况當把茱萸令節同題餠爲懷奉  
常君客病生疲勞歸心似江水北望心忉忉虛辱金錯  
投爲報無英瑤

寄舍弟

旅館經時臥病身藥爐茗椀對蕭辰黃花香淡依人瘦  
冷雁聲長到枕頻海國秋雲勞悵望江城夜雨最傷神  
十年精力成衰減虛作飄萍萬里人

柬僧

欲上匡廬病未能秋陰隔斷虎溪僧巖前瀑布添多少  
竹外芙蓉開幾層乍減藥囊歸興劇更聽霖雨薄寒增  
遙憐十月天池路雲磴風高不可登

贈別趙廬陵二首

每對青雲憶仲容山王京洛廿年情相逢不作山陽醉  
嬾慢嵇康厭翹生

南浦秋晴欲挂帆虛舟不上贛江灘青原山色青於黛  
他日從君拄笏看

懷紹薪同年

盼斷洪厓馬迹高十年消息問王遙鄱湖秋水明如鏡

難覓雙魚趁晚潮

寄懷田居二首

簷外驚飈競作威鄉心客夢兩依微楓丹柏碧桐江路  
穩挂歸帆一葉飛

病軀減却舊清狂枯坐哦詩送夕陽惆悵故人千里夢  
吳山翠接楚山長

白髮

鏡裏星星色居然一半童染青羞陸展變白笑萊公勲  
業定何許衰頽詫此翁黃雞催曉曲老盡世人同

陸展事見宋書

即事

晴日暖於春閉關塵事靜籬外午風微頑狸撲花影

醉鄉

異俗真成厭扁舟復此停歌呼從吏舍止宿傷都亭客  
夜何須寐瘵官那用醒醉鄉論岳牧只合着劉伶

歸興

歸興不可遏煙波客夢浮九江辨雲物十月上扁舟牢  
落無人識蒼茫發旅愁嘯歌巖壑晚猿鳥小勾留

冬夜詠瓶中白菊花

素質初於九日看玉瓶新水未凋殘摘從籬下香元淡  
插向燈前影自寒霜氣拂簷風肅肅月痕窺戶粉團團

高齋十月留秋色獨嗅清芬未忍餐

題友人亡姬遺照二首

莫笑披圖泣數行獨鍾情處可能忘乍看欲語呼難下  
久立銷魂恨最長黛粉豔侵妝鏡活腰身雅稱綺羅香  
少君秘術休輕試一接音塵更渺茫

金屋他時祇閉藏從君細膩認風光奇香賸馥沾韓掾  
相服橫陳搵謝娘花攪石腸詞賦麗涕揮鄰女酒人狂  
洛神化去空留枕乞與陳思惱夜長

題洗鉢圖

八大山人作畫  
武曹太史作偈

神龍擘空山喂囁劈石摧林碧波委老僧晏坐空巖底

青山不動白雲止一鉢開囊付童子寒潭水月光澄滓  
洗鉢龍吟不見尾吐珠入鉢驚山鬼山僧但飲鉢中水  
蜿蜒去作魚媿媿八大山人寫奇詭長洲太史擢禪髓  
我爲披圖喝龍起噴噏風霆出彭蠡

題舍利奉親圖

牟尼照濁水舍利超火輪吾聞貝多言證彼兩足尊山  
僧懷至性道貫不二門鷲子匪空桑悠然思本源滇黔  
走萬里覲省桑榆親粲粲多寶盤中有金粟存光明燭  
庭戶智珠不足云瞞瞞八十翁笑語生春溫絕裾非孝  
子分羹有忍人孰謂髡緇流二本殊冠巾

彭蠡晚泊望匡廬有作

十月迎寒雨輕舸拍岸風重湖迷滙澤匡阜入鴻蒙日  
月行杯底煙波似夢中蛟龍移窟宅潮汐混沖融九疊  
隕蒼玉千尋翳碧翁星辰洗湖泮冰雪凍穹窿拔地飈  
輪上稽天水國通虛空辨吳楚舸艦失西東遺世思方  
輔披圖歎禹功荒城餘霸蹟旅泊笑途窮擊楫平生興  
悲歌靜夜中披雲問五老破浪有艨艟

湖中多風不得向匡廬將取東路北歸用抒懷韻

寄心公

鄱湖一鏡涵青銅百里已見匡山松北風吹水捲寒雨

冥冥忽失天邊峰扁舟兀坐懷遠公輕橈未許凌鮫宮  
九竒三疊渺何所噴吭望斷青芙蓉啞然貽笑黃山翁  
軒皇有約不得去觸熱放棹盱江東南郭臥疴忽秋晚  
衝飈駭浪仍心忡問君歸路將何從水雲漠漠山重重  
水有赤鯉雲有鴻尻輪神輿天衢通不然躡景從飛龍  
衡山石廩堆祝融太行馬首開雲封韓蘇已事例五老  
詎云人厄非天窮擊汰欲溯橫流中湖天夜雨聲琤淙  
鯨呿鼉作老蛟舞狂瀾一氣回鴻濛吾聞瀛海三神山  
浩蕩天水漫虛空颶風吹船馬銜駛未容客子推孤篷  
楚江歲晏雪霜冷蠟鞋且莫登龍從九十九峰蟠心胸

十月倦遊歸興濃作歌遥寄開先老他日來聽夜半鐘

章江別意柬慎菴使君

澄江生遠恨回首悵離羣南浦霜邊樹西山雨後雲交  
游餘氣韻客路趁晴曛今夜碧天月清光獨爲君

曉發江上

潮落三更月江鳴五夜風山光寒更碧楓葉曉尤紅不  
上水邊閣遥聞雲外鐘空明倚晴景十月好推篷

題八大山人畫蓮訓心長老

墨寫蓮花清淨身西風殘葉楚江津佛陀如意陶公酒  
共結東林社裏因

楊子洲

孤塔分江直寒山出霧微平波風漠漠曉日鷺飛飛灘  
落沙痕淺洲長樹影稀秋屏樓閣迴極目興依依

湖中閱阮亭先生詩集次滕王閣落成韻志懷二

首

先生嘗言奉使南海過洪都不得登滕王閣以為恨事其  
時閣燬于火宋中丞建後又燬今閣再建而先生歿矣

星軺曾說過南州縱目江天萬里流雪噴層灘驚彩筆  
雲飛靈岳冷貂裘西州有恨悲華屋滕閣無詩負壯遊  
賸與一編蠶尾在隱囊紗帽願難酬

登臨坐攬洪都勝最數江津帝子樓挂雨雲帆千樹暝  
懷人山月一簾秋文章少日齊三傑都督何人領八州

獨坐扁舟溯彭蠡羽衣吹笛賦重遊

官塘道中

瑞虹煙樹近官塘水淺沙平草色黃雁鷺卑飛寒日晚  
蟹簾魚斲認吾鄉

木犀灣

千株黛染豫章碧萬疊霞明楓柏紅淥淨木樨灣下水  
一溪寒日半帆風

劍

匣中已替老蛟愁不數人間細碎讐牛斗光搖天漢冷  
鷓鴣膏瑩冶城秋防身鳴向三更月報主功輕萬戶侯

誰道朱雲攀檻折等閒留  
佞臣頭

重達龍津

自南昌迤東皆行湖港中至龍津則煙村雲樹燦若錦綺烏篷短楫如在畫圖中也

湖陂欲盡見園林照日丹黃萬樹新  
三十六灣空翠裏接天錦綺認龍津

江津舟夜檢拙稿因懷天農

空江浩魄冷娟娟把卷拈杯夜不眠  
林葉戰乾風作雨鮫宮澄碧水如天  
雲山客路三千里風月豪吟四百篇  
安得就君開一斗歌呼同醉兩峰前

夢天農作

夜冷霜天寂人閒海月高  
歸心倚斗柄客路笑綈袍  
濁

酒看雄劍悲歌和楚騷成連滄海思孤夢越江臯

歸舟書興

彭蠡烟艇凌虛無青山匿跡如亡逋  
東溯餘干三百里依然翠黛高  
饜餈此去千峰吾舊識玉屏丹漳圍歸艫  
遙遙送我到吳楚三千里外紛縈紆  
山樹盡披吳越錦林塘總繪丹青圖  
晴日推篷碧流駛沙明水淺看游魚  
故鄉無此好林壑拚年蹤迹隨樵漁  
他時擬卜江湖居買山未就空躊躇  
虎頭食肉自骨相河山列土寧非夫  
百年過半吾何如小兒造化嗤形愚  
作歌一笑問江水人生何處非蘧廬

橫灘雨發

貴溪來去雨聲中  
舊憶扁舟放釣筒  
一鳥不鳴灘響寂  
點溪黃葉任東風

雨止

舟牽碧藻舞寒漪  
錦水清清不見泥  
雨過空林殘葉冷  
白雲不動鳥爭啼

舟中詠天農見訓佳作再奉懷

百首新詩一月遊  
韓蘇高調渺難酬  
已憐三復輸何遜  
更為相思瘦沈侯

沈約語何遜曰吾讀卿詩一日三復終未能到

九鳥灘二首

九鳥灘邊上逆流  
絲絲寒雨似清秋  
青林紅樹知多少  
斷續猿啼是客愁

蕩地奔濤拍岸風  
短篙無力敵寒凜  
憐他海燕饒輕薄  
掠食驚雷噴雪中

再題石淙碑二首

就月移燈鏡殿春  
江潭遺迹認行雲  
石淙碑下清冷水  
曾與金輪照錦帚

利州皇澤寺有則天塑像

狎客詩工代草成  
殘碑誰削二張名  
他年弁冕珠英集  
老輩居然讓後生

二張武后詩皆崔融輩代作此石有其詩無其名

再題黨人碑二首

章惇名姓埒王珪也許同登第二碑未免被他文呂笑

韓非同傳不相宜元祐黨碑有二後一碑有章惇

獾獍何當溷鳳麟濫觴名姓太緇磷司空不作潭州死

更有無窮附黨人初定元祐黨九十八人後廣至三百九人而章惇張商英輩皆在其中矣

### 貴溪晚泊

嵐煙含雨色林鳥隔江喧水國人行少孤城早閉門泊

船臨絕壁幽興寄殘尊壞堞無三版風燈笑語昏女牆高不逾丈

城內人家燈火笑語一望可盡

### 留行

萬株錦樹一溪清水底林端五色明最是幽禽作蠻語

聲聲喚客為留行

### 小娘渡戲作

小娘渡口晚維舟獨客難為此夕留草綠裙腰斜委珮

山凝眉黛遠含羞作歌便當迎桃葉打槳誰能喚莫愁

新婦磯頭女兒浦水聲雲影夢悠悠

### 弋陽晚泊

推篷又過弋陽東漠漠平流細細風照水童山終古黑

傍崖霜樹百分紅畫眉嬌語聲偏鬧烏符閣眠意太慵

薄暮扁舟艤沙港一江煙月碓聲中

### 鉛山道中

牛斗灘邊雞唱罷燕窩渡口曉晴初林光日射丹青色  
山骨天開混沌餘樹密厭教聞怪鳥水深時喜跳驚魚  
東風習習船旗直又過荒亭故相居

河口夜泊

暮山寒一碧江水淨無聲浩月初更上疎星幾箇明清

詩吟玉局美酒破烏程醉問彝山路真成夢裏行

是夕讀東坡詩

飲酒玩月遲久未寢聞河口路達武彝二百餘里病未能往爲之悵然

曉霧

猛虎灘聲徹夜嗥滿空寒霧唳驚濤鴻濛一氣江天曉  
睡起推篷海日高

和東坡先生廬山十首

有引

余既不作注山游歸舟行山水間青峰紅樹俱作九奇三疊觀也偶憶蘇集十詩依韻和之聊當臥游他日到東林開先便成舊識耳

初入廬山三首

得向雲巖去真成陶謝游玉漿如可飲誰問舊通侯  
五老似相識招招雲海間蒼松翠竹路夢裏到廬山  
攜杖訪真隱悠然猿鳥親誰知看山客不是住山人

圓通院

雲外千峰隱梵天飛龍噴雪下寒泉聽鐘偶入蓮花社  
燒筍同參玉版禪寶蓋煙銷清夢破麝囊香冷故宮傳  
佯狂頗笑嵇中散石髓雖嘗不得仙

徐凝瀑布詩

絕景難爲擅勝詞千秋蘇李幾人追何當更挹匡山水

盡爲匡山洗惡詩

近日廬山詩  
俚鄙者甚多

白石山房

山房樓閣枕崔嵬坐擁藏書萬卷開如此名山堪送老  
不須頭白始歸來

漱玉亭

驚雷生白晝陰壑迴飄風搖搖漱玉亭眩瞀吞雙龍神  
靈擘河華詆蕩巉青空鱗爪作之而萬仞揚修猗立石  
架銀潢日月行西東方壺與員嶠湧現金銀宮琴高不

可追落日呼猿公赤幘明然犀變化寒濤中

三峽橋

大石疊寒谿飛車輦石溜鮫宮失驪珠攫搏群龍鬪飛  
橋躡其背震掉倏左右終古此轟虺鑿空兩巖竇噴雪  
下驚鳥飲清駭啼狄竚立悚毛骨天風吹石瘦廣樂張  
洞庭曾聆鈞天奏連牛發積弩機捷誰爲殼一峽爭萬  
源晦暝錯昏晝緬懷馴鹿人幽棲時盥漱

東林西林二首

認取匡廬面目真溪聲山色見全身佛陀如意依然在  
徑合分明舉似人

雙林寺外九奇峰妙處從人看不同我是神游登覽徧  
崢嶸萬仞在胸中

葉村

蕭蕭紅樹照溪流水靜雲閒景物幽總是青山無出路  
落帆徑合此中留

仙姑山

兩峰離立認雙姑青鏡蛾眉入畫圖夜半江天作雲雨  
不知居處有郎無

鍾靈橋上

橋長八十餘丈覆之以屋周遭欄楯觀魚最樂此溪官  
禁採捕游魚所聚大者數尺小或寸餘不可以數計也

垂虹飲江練飛閣倚天開水暖寒魚聚波明曉日來重

經問津處空想濟川才長嘯臨空闊憑虛亦快哉

春風亭

南屏樓閣峻登眺倚春風楚岫千峰碧寒江十月空巖  
城分雉堞潭屋俯晴虹客路層灘外牽船更向東

上饒道中二首

翠嶂丹厓映碧潯信州東去萬山深蕭森楓柏漁樵路  
不是幽人不肯尋

漠漠清流漱石灘山形詰曲水灣環銅坑萬樹花如雪  
移着丹楓翠栢間

綠溪栢樹萬本又栢實凝脂一  
望如雪不減銅坑光福梅花也

沙溪夜泊

辛卯年稿下

欲盡層灘路依然泊此溪林深驚虎獵月黑怕猿啼獨  
醉燈前酒頻聽夢裏雞關河千里思頭白玉峰西

重抵玉溪

半年飄泊感生涯寒日清流照鬢華路盡層灘千里曲  
鳥鳴空翠一溪斜雲邊樹老黃巢壘夢裏山青懷玉家  
記得橋成烏鵲夜雙星銀漢問仙槎

玉山道上

篋輿重覽舊風煙萬疊青山股脚連地利舟航吳楚接  
天橫牛斗越閩偏霜酣嶺樹丹砂漬雲護關門蔓草纏  
兵氣銷沉形勝在烽臺戰壘感他年

白石寄天農

草萍連白石路入亂山深合沓蓮花峪蕭樛楓樹林寒  
江歸客權清夢故人心此會真非意新詩寄越吟

姑蔑舟中寄家弟二首

寒雨淙琤夜徹明一溪新漲百灘平橫空雲霧黏山色  
夾岸風泉亂樹聲乍發金川催疾櫓忽過姑蔑失巖城  
越江千里無三日始笑歸船比葉輕

游倦飄然返敝廬遙遙歸思繫長途江山有意留行客  
松菊多時待老夫北向定知繁雨雪南來只筭爲尊鱸  
鶴鷓原上孤飛急太末城邊日又晡

江上大風

○落葉空林蘸水波越江寒較楚江多灘長時有鷺鷥立  
天闊更無鴻雁過柔櫓自搖聲格磔連山不動碧嵯峨  
北風似搯南來客破浪飛檣奈爾何

舟曉

越樹還如楚樹紅楚山不及越山青北風夜透千巖骨  
僵臥寒雲曉未醒

晚過嚴州

灘鳴鼯鼠嶺修蛇依舊羣峰錯犬牙冷翠侵天巫峽雨  
繁霜點樹洛陽花行看水影思持釣坐望巖城似到家

更向子陵臺下過何時築屋傍煙霞

取十九泉試茶因汲兩罌寄丹厓舍人

不到康王谷

谷簾泉天下第一  
余未到廬山故云

仍過處士家還量臺下水親試

夸中茶澄澈無泥滓甘芳勝菊花

謂菊  
花潭

健增人老壽幽稱

穴豁訝入甕分瀧月歸甕浸嶺霞客星應笑我免缺定

嗟訝

謂方

事匪偷湫急人因調水譁歸航嫌寂莫逸興鬪

豪奢此厄吾寧免留符地亦嘉洞遙思玉女

洞在  
鳳翔

碕冷嘔

蝦蟆

碕在  
夔州

噴乳涵巖錫流丹窖井砂江腥嫌帶膩河濁更

澄沙品自傳鴻漸烹惟辨易牙松風鳴石鼎溪雨溜浮  
槎調雪防湯老搜腸啟印斜攜將清冷味寄與舍人誇

七里瀧雲氣三首

順流看山崇朝百餘里雨中  
三詩草成已在富春道中矣

○睡起倚烏篷驚看衆山走櫓搖舟穩流忽入斷崖口青  
青舊排櫛冒絮誰羃首幾峰當我前倏忽在我後白雲  
絡其間或左亦或右繚繞互襟帶深淺紛雜揉高者竦  
而拒下者偃而受內山拱若揖外山企若誘峰峰不相  
躡或予亦或取雲光或破碎山骨或摧朽却看天不高  
徑可壓培塿羣鳥無一鳴顥氣失林藪寒雨落踈踈空  
江鳴瀏瀏試數雲中峰得一遺八九

○放溜行空瀧俄頃五十里不知身入雲但愛雲峰起山  
雲高脊樹江雲低亞水幾山挾雲行雲擠轟喂𪔐幾山  
排雲立雲掠失崔嵬雲以山爲郵山雲互相倚雲來山  
不辭山去雲自喜雲山兩悠悠忽入雙臺裏臺高雲不  
上雨細風初靡山泉飛木末江魚跳森瀾老樹拔寒柯  
眠雲纏去根柢羨爾投綸客占斷雲山美此勝倘能分  
扁舟就君艤

○入瀧更出瀧雲峰但一概英英七十里妙處不可耐羣  
山太爭奇造化巧相闕茲鋒斂其齔秀色紛靉靄元氣  
此融結經營煩大塊雲昏雨轉急峽束灘更礙嗟峨鷗  
鷁門奔騰一川滙回頭已十里勝地歸茫昧惟看雲羃  
歷不見峰凝黛江水自東流歸舟駛滂湃何當築雲原

濟勝行可再

富陽道中寄田居諸子

江雨漠漠西風來南山罨靄北山開江邊草樹森寒色  
櫓聲鴉軋風相催白雲欲動山自轉雲天相接無多遠  
連峰兩岸劃長城天幕低垂翠帷捲西風吹我過富春  
江潮一夜來西津揮錢更允餘杭酒獨對江山懷故人

富陽發船抵六和塔下寄懷弘濟

富春潮長水增波鳴櫓聲中見六和夜冷林空鐘梵寂  
曉晴江暖雁鴻多雲連天目思舒嘯月滿樟亭記放歌  
回首越山千嶂碧子猷迴櫂興如何

雲栖寺和韻三首

修篁翠柏插雲根十里陰森到寺門流水曲分初地出  
青山閃對衲僧論花臺鳥食留香飯古殿風燈照夕昏  
亭畔豐碑煥奎藻翠華巡處紀春恩

窄磴雲關倚石根名僧初闢一山門

蓮池之學  
但修淨土

三禪不入

南宗諦五觀還同智者論風靜石泉聞響荅日斜林鳥  
鬧黃昏宰官結習分明在漫向毘耶說報恩

偶見鮮上某學  
士留句云然

幽探誰解躡天根也與維摩證法門成佛定居靈運後  
叅禪難向石頭論寒潭淨洗塵心盡老樹陰移落景昏  
華藏茫茫千劫變空從禽犢論施恩

娑羅樹歌寄贈綺園中舍 有序

吳孝廉綺園所居曰蚪山有大木焉名曰娑羅高數十丈常以四月作花花具五色實如丹砂蓋西域移來其年歲不可紀矣綺園以余入黃山路當過其別業因為娑羅乞詩余諾之未暇以為歸舟作此歌寄之他日為黃山詩中備故實也

蚪山老樹曰娑羅遠辭柯林遠蓬婆何人移植向黃海  
老壽定屬神撫訶蚪溪之陽吳氏家橫川書閣橫鬼莪  
此樹花開四五月文章五色明山阿參天拔地不計仞  
丹砂紅豆凌秋多吳君讀書五十載孫枝合抱供按抄  
老幹亭亭閱元化根鬚倒出撐磐陀銅膚鐵骨蛟蜃起  
變幻雷雨生濤波黃山松柏多偃蹇何如此樹高枝柯  
上枝白日下泉脉潛龍威鳳分巢窩君家封植凡幾世

古藤穿穴梢煙蘿君看柯葉貫四序雨露霜雪皆舍和  
誰山招遙冠山海甘泉若木行羲娥此樹蒼茫歷浩劫  
不數纓絡曼陀羅南游未踏軒轅峰興來且作娑羅歌  
君不見廣廈傾欹須大木楓人鬼梓紛如何

雨泊石門寄懷介巖先生

薄暮飛寒雨溪風一水斜枯桑吟敗葉微雪散輕花獨  
酌興殊減將歸路轉賒篷窗聲颯颯淒絕聽悲笳

武林道中寄懷田居

越水已搖落吳天更北風寒凝暮山重雲幕遠林空歸  
客兼投鳥生涯笑轉蓬白洋池上酌煙水晚濛濛

秀州雨夜感舊

鴛湖連夜雨淒絕夢魂深塔遠風鈴悄樓寒玉笛沈醉  
歌華屋恨打漿莫愁心此意俱寥落孤燈對短吟

平望道上

平望湖邊船趁風晴波潏豔夕陽紅洞庭山色無多遠  
只在寒煙冷翠中

路入吳江草樹平長橋一帶水天清舟隨七十二峰轉  
可惜今宵無月明

日容太史生子

掌珠宜海蚌仙實問桃根詩禮他年事文章老輩尊充

閭休恨晚奇骨合名温膝上看文度居然肖匠門

友人以求田畧吏議作此慰之

鳳兮曾記楚狂歌戢羽真須避網羅二頃豈嫌蘇季少  
一丘終恨幼輿多即看蛇影驚杯酒未料燈光誤火蛾  
誰道私恩掩公義翻教同室一操戈

歲暮感興四首

有序

僕以天性慙直出語招尤論緩急於三征嗔生餓虎爭誅求於兩稅忿  
起蒼鷹乘貪吏之見收嚇奸徒而攘袂毀家不恤避地者在吳山越水  
之間欲殺寧辭言歸者在龍鬪虎爭之日出范睢於溺後疑張儉之生  
還歲晏抵家郎當欲死誰爲當道且乘豐以居奇嗟我故人方杜門而  
箝口寒爐楮拙弔影獨有青燈破屋颺颺守歲惟餘濁酒一觴徑醉百  
感交心除獺獍以何時縱豺狼而莫問慨當以慷我歌且謠漫疊四章  
用遣長  
夜云爾

風雪還家一病身，櫻心怨毒擬誰陳。  
久親藥裹疑瀕死，且穩眠餐未患貧。  
山水登臨驚噩夢，詩書劫運巧乘人。  
明燈斗室深宵冷，靜畫爐灰詠歲新。

也知愚戇定危身，伐木鄉閭阮在陳。  
蠻觸戰酣蝸角小，虬蟬縱獵石潭貧。  
且澆磊塊狂呼酒，詎怕挪揄鬼笑人。  
碌碌纖兒殊左計，雞蟲得喪又更新。

虎豹熊羆攫搏身，交情忽變舊張陳。  
笑看弓繳真秦越，恥說綈袍是賤貧。  
入我裋中奚復爾，出君胯下豈非人。  
明知墮甌無回顧，要看炎涼面目新。  
酷吏摧殘剩有身，三章守歲不須陳。  
即看此日空諸有

却道今年始是貧，舌在且教留故我。  
道窮那擬問傷人，一杯臘酒殘宵裏。  
肝膽輪菌百感新。

謹齋詩稿

壬辰年

輓澤州相國四首

敬和聖  
製元韻

師臣咸一德終始荷殊榮日月光龍袞鹽梅劑鼎羹

聖明同老壽勲業共昇平定許凌烟上丹青為寫生

匡時思富弼稽古重桓榮性峻羞朋黨門清恥沸羹星

辰上箕尾宵旰痛韋平文梓東園賜深恩畢此生

綺角因時出南山憶采榮幾人占覆餗一節到和羹少

海歌重潤台階仰六平傾陽葵藿淚白髮舊門生

服食知難老春敷茗頴榮還丹金作餌黑鬚露為羹辟  
穀祠黃石名山待子平空餘東閣在悵悵魯諸生

舟中戲作二首

囊篋蕭然有敝裘春寒已退任從偷憐渠鼠技無多子  
不擬封侯止竊鈎

世上於今半是伊匆匆亦莫問吾誰縱教李涉吟新句  
若箇偷兒解要詩

揚州道上

濁酒寒燈客思清良宵聽雨夢難成烏篷曉日春江路  
柳暗花明做淺晴

寄菴二首

柳前事未寒盟網漏吞舟擇禍輕多少戴盆成鼠獄  
張湯法律豈持平

得失雞蟲付電泡豈因元節悔傾巢隨身剩有干將在  
夜雨寒江伺老蛟

顧上舍招飲王氏園亭

名園載酒同清賞蘭雪堂開翰墨香王謝風流看玉樹  
魏姚資格擅花王小山叢桂歌招隱曲水清流記舉觴  
醉看臨池書襖帖不知烟月印迴塘

嬉春詞和友四首

芙蓉湖上木蘭舟  
士女嬉春競出遊  
最是雛姬年十五  
畫欄斜倚照春流

姊妹相攜笑不譁  
雛鶯乳燕弄春華  
綾巾裹得釵頭茗  
同上僧樓小試茶

蓮臺斂笑整明妝  
默禱慈雲一瓣香  
更謁茅君上山頂  
英姿惟是怕張王

山後山前逐伴來  
一勾香玉滑春苔  
遊人蟻聚憐嬌小  
忍笑佯羞不肯回

道院

上清淪謫駐巖扉  
道院花樓映翠微  
雲髻淺蟠三絡髮

雪膚輕襯五銖衣  
冰絃調逸孤鸞迴  
玉笛聲長別鶴歸  
曾是玉皇香案吏  
閭風仙館詠玄機

方

學士饋龍井茶

一夸新芽及雨前  
雙峰如攬舊風煙  
手調綠雪看魚眼  
夢繞梅林憶石泉  
苦口敢云同諫草  
清吟且合托詩篇  
六橋花柳春如綺  
不到風篁漫五年

退翁程丈贈芍藥四枝適方

學士過訪以詩

送之舟中

如對徐熙畫折枝  
誰莊新寄殿春姿  
遲開似應揚州會  
投贈重賡洧水詩  
四月香凝淮甸舫  
三章興引謫仙詞

一瓩龍井春芽美便抵山園對酒卮

學士惠龍井茶甚佳  
時擬同往看花不果

幾年二首

幾年稱底定禹益更無儔築壩緣

水迴瀾解覆舟千

夫沉負絳萬弩激奔流壁馬知何益真勞肝食憂

負土嗤河伯沉巫問水仙司空籌上策

聖一達微權

早魁持功日支祈助虐年湖淮且東注大府足金錢

寄天門禮叔兩學士

太平元輔承恩渥身後餘榮及易名他日相臣誰作表  
一時同錄兩文貞

贈王鍊師

我昔逢君廿載前翛然風骨稱頑仙高歌一飲盡五斗  
醉搜衆妙通重玄琅函秘籙開真詮心知其妙口難傳  
無端八翼飛青天十二樓前侍玉帝抗言高論驚羣賢  
忽復推擠蹶且顛萬事回頭一夢耳幾看海水成桑田  
吳江淺碧春可憐布帆風滿張晴烟逢君花塢拾瑤草  
問君鶴駕何時還人間游戲亦偶然就君重乞五千言  
秦淮水亭和人六首

青粉牆遮道蘊家樓頭梳掠近窗紗慵多怕織鴛機錦  
獨倚春晴看杏花

乳燕穿花緒語嬌水邊亭子隔藍橋春心搖蕩秦淮柳

牽引東風是嫩條

博山銀葉炙甜香手點春旗細細嘗不怕聞聲呼小玉  
怕他小玉暗呼郎

秦淮河水接春江河上鴛鴦喜做雙願出柔荑搓柳線  
打頭風裏繫郎艖

豔說文簫逐彩鸞蔣侯小妹亦良緣石城艇子桃花水  
只辦黃姑下聘錢

銀漢星槎幾夜浮支機無路問牽牛送郎心寄歸潮遠  
斜倚危欄不轉頭

訪北溟月華山館和韻二首

楚天幽夢寄松寥海月山城共此宵濁酒狂歌羈客興  
丹心白髮 聖明朝啼鳥樹冷驚栖鶴紫綺琴清話老  
樵坐詠新詩同破睡一江煙水靜寒潮

朱絃調古聽寥寥江海成連對此宵說鬼同邀青嶂月  
瞻 天記趁 紫宸朝鯨吞怕擊中流楫柯爛渾驚看  
奕樵山館依依綠惜別蛟龍蹴浪湧風潮

附元唱

琪樹琳宮鎖寂寥逢君燒燭坐寒宵三春華髮棲江  
表五夜丹心戀 聖朝禁闥似聞還讜直湖山自合  
老漁樵鯉魚風裏桃花水共聽南徐早晚潮

十年

峩峩巨舸江襄估歲轉東南百萬緡豈謂海王充玉幣  
翻從天府貸金錢生涯自解營三窟人事誰能料十年  
寂寂荒庭斜日裏蛩聲吟斷冷秋烟

高旻寺

高旻樓閣枕江天碧瓦紅牆又此年螺鼓梵筵僧苑小  
衣冠王會地靈偏塔尖舍利明燈舫殿角風箏韻管絃  
最憶鶯花三月半幾隨雕輦寺門前

涉江

涉江不上金山寺薄暮還過鐵甕城山晚雲荒顛米宅

草深蟲響佛狸營風吹秋雨晴還落月湧寒潮去復生  
獨買江魚呼斗酒水天無際酹空明

丹陽舟行即事有懷岱輿

斜風細雨淺晴時柔櫓歸潮進艇遲釀買百花呼卯酒  
魚羹七月煮溪絲濕雲罨樹山全斷秋水浮天暑不知  
倚醉吟詩報羅隱故人不見正相思

讀史蕉飲使溘詩題三絕句奉懷

杜蘇奇盡更無奇海外文章入蜀詩鑿空雄才過百濮  
盡搜風雅出溘池

星軺萬里幾時淹搜剔山川未損廉持傲西京兩司馬

賦才史筆一人兼

漢司馬相如司馬  
遷先後奉使入滇

文園消渴茂陵秋  
叩笮昆明紀勝遊  
爲問過江成集後  
漁洋嗣響擅風流

雲陽雨夜懷千里

殘暑釀秋陰  
停船豹脚侵雲陽  
三十里促織五更音  
水溢陂塘怒雲昏  
竹樹深淋浪  
今夜雨與子又辰參

慶亭曉發寄懷曾起

不辨江天色  
林塘夜氣清  
吳歌生櫓語  
旅夢破溪聲  
細雨過慶口  
秋風到呂城  
寂寥揚子宅  
吟望故人情

梁溪道中東貽京二首

雲山明一色  
曉日破湖煙  
染黛九龍雨  
生涼八月天  
歌傳採菱曲  
香動載花船  
調水符先剖  
相邀澗壑邊

清遠鷗波暎  
樾陰漁歌花  
港去深深空  
饒巖壑登臨趣

未遂江湖卜築心

數年前有卜  
築錫山之約

淪茗泉亭修水遞  
聽松山

館記濤音酒船載  
月燈船女幽興何人與再臨

汲惠山泉

山腹便便萬斛涵  
兩罌汲取未嫌貪  
清泠不羨康王谷  
香潔疑分玉女潭  
龍井露芽宜手瀹  
玉川風腋匪空談  
漪瀾堂上誰轟飲  
菊水愁蒙伯始慚

是日某官  
置酒泉上

響屨廊

壬辰年稿

絕豔真消一國傾空山屨履憶輕盈珮環憂石金絲響  
松柏吟風笑語聲於越美人吳地老館娃宮殿梵天清  
蓮花帖地留仙舞一種風流萬古情

伍相祠

相君身世死生哀覆楚強吳創霸才不有佳人來越絕  
焉能麋鹿上蘇臺祠荒碧血青燐冷江濶銀濤白馬來  
獨有鱖諸魚膾事千秋物議使人猜

韓蘄王墓

鐵浮圖勁尚徵兵上將真羞和議成毅魄潛驅儀馬戰  
青山閒跨蹇驢行桓碑藉草嫖姚塚江水沉沙耶律營

震澤波濤三萬頃風雲魚鳥助軍聲

吳王闔閭塚

闔閭空處認堂封海湧峰高霸氣濃銀雁玉鳧三代器  
青松白石六朝踪魚腸可得藏雄劔金虎猶能拒祖龍  
長夜沸天歌吹裏梵宮清曉一聲鐘

寓齋苦熱寄山中友人二首

散髮松軒客思慵未逃殘暑意憧憧涼多記向西亭宿  
夢醒靈巖半夜鐘

萬頃玻璃浸碧山洞天烟水豈人間金庭石室誰能到  
只借吳王銷夏灣

和賈叅政秋夜感懷韻

一夕離思白髮生并州客舍故鄉情  
草蟲緒語悲秋氣  
天漢繁星如月明觸戰蠻爭看變態  
烏頭馬角幻生成  
南山石爛漫漫夜甯戚高歌起曼聲

酒次再用前韻二首

磊塊難澆命麴生淋漓耳熱劇談情  
舖糟勸客同中聖  
變雅從君詠小明鈞黨網羅嫌罪少  
甘棠剪伐記陰成  
坡仙海外文章在金石鏗然憂地聲

多病渾消髀肉生短衣射虎昔年情  
宦清幾欲歸彭澤  
詩好猶堪繼永明雪竹霜松貞晚節  
石麟文鳳喜天成

狂言醉倚慵騰興簷外秋濤瀉雨聲

瞿師道院信宿題壁

幾日西風茂苑秋仙人池館愛清幽  
雲綺落桐陰晚  
月榭香生桂蕊稠夜靜草蟲吟唧唧  
山空鐵笛韻悠悠  
邯鄲一枕黃粱熟齊物何須辨蝶周

讀王荊公詩戲書其後二首

一半鍾山靳客分

贈段約之云如何更欲通南埭分我鍾山一半青

荒墩攘臂太相嗔

謝公墩詩云公去我來墩屬我不應墩姓尚隨公

同床各夢空相詫齒冷圍棋乞野人

元豐新學正人讐驢背青山萬事休  
早識周官能誤國  
歸來悔不讀春秋

瓊姬墓

冷墓弔吳姬香魂故國悲祇應憐伍相未忍怨西施高季

迪詩云香魂若怨亡國莫與西施共遊苑廢眠麋鹿臺荒叫子規空饒精衛恨

芳草月明知

真娘墓

不知埋玉處古寺訪貞娘林鳥歌喉轉山花笑靨香西陵油壁冷吳苑館娃荒鎖骨何年出淫坊是道場

生公臺

自古笙歌地空留說法臺笑談從傀儡露雷等塵埃頑石自相語生公更不來三泉亭下水留客試茶回

滄浪亭

半勺滄浪水荒亭獨擅名買山投老易縱酒一官輕天地遽廬小江湖白髮生湘潭漁父詠憑弔古人情

題館舍壁

動地濤生撼樹風江湖捲入夜聲中秋花幾苑成搖落涼雨連朝洗蘊隆曉夢驚殘身是寄鄉心愁絕水連空匆匆又作銷魂別白髮黃鷄客恨同

山塘夜泛

畫樓燈火映平波夾岸香風送綺羅丹桂留人山寺晚清歌倚笛酒籌多藏闔醉把紅酥手歸轡爭馳白玉珂

却笑淹留類胡賈一船風月戀行窩

楓橋

漁火江風客夢回寒山寺外曉鐘催林塘十里楓橋路  
悵望秋雲人未歸

他鄉

秋氣平分八月涼布帆風軟轉迴塘溪痕漲綠知過雨  
樹色含蘋似得霜放鴨人歸村徑遠採菱歌斷水蘋香  
蟹肥稻熟江南路錯認他鄉是故鄉

錫山晚興

九峰深翠隔雲蘿落日天光冷芰荷桂嶼烟含滄海月

柳塘風嫋洞庭波泊船最與當壚近不飲其如良夜何  
滅燭留髡狂興劇後堂薌澤記聞歌

重游惠山追和無功太史韻二首

青山橫一髮幽澗走長蛇記聽空齋雨同尋古寺花衣  
香紅粉路泉沸竹爐茶今日思公子依依慧曉家  
舊游渾夢寐往歲一龍蛇雨冷荒墳碣春歸別樹花醉  
歌陶峴舫閒話玉川茶再到還羈客何年此定家

和山中雨宿韻懷舊

寒磬夜聲中秋林響暗蟲夢清山店酒衣冷佛堂風獨  
醒歌天問行雲詫雨工洞庭有烟水曾泛夕陽紅

和山中訪梁汾不遇却值王山人邀飲韻

山暖雲侵屐溪晴鳥浴沙春游聞笑語夜雨足桑麻不見東林老空飛野徑花客踪無賴劇同醉酒人家

晚過奔牛

向晚金牛道牽船倚月明林昏吳季廟艸冷呂蒙營櫓語兼潮急蛩悲向客鳴秋風搖落意來往迴含情

丹徒道中

曉色新豐樹涼颼吹客醒露凝秋草白山逼楚天青梁肉豐年賤江船賽禱靈丹陽酒堪飲我亦擬沈冥

江干月夜

秋月臨江已欲圓江天一色淨秋煙停舟醉抱月明宿滿耳潮聲不得眠

送客

江闊暮潮生無端催客去良夜月明時蕪城泊船處

讀新城師文粹詩選書其後六首

變風聲歇楚騷悲歎息千秋雅頌稀依古四言有韓柳次山補樂亦依微

淘汰陳隋到古人射洪清矯曲江新魏公自是開山力雅健應推盧照鄰

王維李頎崔顥盧象昇甲盛唐昌齡俊逸配韋應物常建何

人變體爭豪放李杜光芒萬丈長

硬語聱牙韓退之張王樂府亦權奇人間寒苦稱郊島  
險怪還收月食詩

元白昌言不奈何司勳夢得孰爭多狂瀾既倒憐皮陸  
誰解探源溯九河

妙旨滄浪本喻禪漁洋心契不徒然別裁偽體親風雅  
具眼何人識古賢

廣陵中秋三首

三分月照古揚州占斷人間八月秋十五橋邊歌吹合  
女郎都作踏燈遊

秋夜月如春夜月中秋燈似上元燈家家瓦塔喧金鼓  
記取歌呼在廣陵

水畔清光照綺羅大隄明月麗人過豆棚深處聞私語  
祇較單雙不較多

對月有懷二首

河上扁舟對玉輪長天秋水更精神夜深風送誰家笛  
觸忤愁心憶遠人

潮落江頭望去船中秋月皎夜如年斷腸羈客憐分手  
料得今宵也未眠

相逢二首

尚書劔履動宸楓此日南遷

重誰道雷陽寇司戶

扁舟江上恰相逢

薰蕕黑白判然分  
惟悴江潭且莫論  
今日孤臣言盡驗  
丹衷應已鑒虞翻

偕定力泛舟虹橋聽嶧師彈琴七首

湖面涼多八月天  
未應高柳尚鳴蟬  
山橋十里荷花晚  
攜得琴僧在畫船

水芙蓉間木芙蓉  
幾曲林塘動晚風  
秋色一天蘆荻老  
平沙何處叫哀鴻

風嫋龍脣戛戛鳴  
山僧彈處水天清  
凝神諦聽無人語

時有跳魚潑刺聲

一曲泠然對淺汀  
竹西歌吹總教停  
時人莫作箏琶會

曾譜南薰 帝子聽

綺羅香裏奏笙絃  
玉腕蛾眉掉酒船  
今日清遊茶話好  
不妨蔬笋替鈿鈿

不是賢師是穎師  
廣陵遺響幾人知  
昌黎不作歐陽死  
空詠牛鳴雉木詩

岑家兄弟漢陂舟  
況是攜琴載月遊  
記取平山堂外路  
一江空碧楚山秋

嶧師精舍二首

萬箇簷簷繞舍栽柴門敲處破蒼苔山僧睡足三竿日  
爲報先生洗耳來

豈是浮杯到海天移情大似訪成連琴心莫作禪心會  
一曲清音正少年

真州夜泊

江月湛空明秋水浸城郭人語柳烟中寒潮中夜落

別琴僧

興盡却回棹邗江趁晚風泠泠七絃意夢在柳塘東

沈先生年九十餘爲尚齒會長值其初度漫贈首

對酒吟詩未覺難賞花玩月必追歡洛濱漫說張劉老

劉真張渾九  
老會中之二

胡杲猶應作弟看

胡杲爲九老  
之首年八十九

老鶴何須認令威小蠻猶自侍房幃時人漫比香山畫

九老圖中一布衣

老向遺編作蠹魚六經聞奧費居諸邇來經學荒蕪甚  
更欲從君問尚書

歸舟即目

甓社湖邊雨色微射陂城畔客初歸陰凝水國魚龍冷  
秋老蘆汀雁鷺稀拍岸驚波浮闌石採菱虛艇繫苔磯  
依依柳色當墟女茅屋孤烟晝掩扉

維揚感事

營私體國兩相妨，怨黷繁興構禍長。幾度飈輪搖地軸，  
是時屢有地震之警多時貫索守文昌。沐猴鬪狗還成戲，蝸角稱兵  
枉是狂。十萬通神寧懼禍，誰從漢法問三章。

高郵

河隄高過屋，湖水與隄平。六漫閘邊路，東流日夜聲。

黃浦閘

長隄一騁目，何處認桑田。里正持符急，沿流掠稅錢。

讀唐人詩雜詠

仿本事詩體  
五十一首

王不耀

若耶花月春無主，女兒烟嵐翠欲流。詞客千年憐謝衛。

空撩雲雨亂鄉愁。

鄭雲叟

五字落花流澗水，獨祛淫靡見清真。莫將徵士山中睡，  
賣與人間富貴人。

李昌符

漫吟春盡雨聲中，杖屨虛靴事略同行。卷頓增奴婢價，  
春花秋菊第咸通。

權龍褒

月明清晝夏嚴霜，才子偏工趁韻章。多少吟詩權武衛，  
真成糞壤集蜣螂。

柳公權

長門句好立回天十幅巴牋未損簾可惜微涼生殿閣  
雌風不與說茅簷

高蟾

翰苑文昌寫怨音碧桃紅杏自春陰芙蓉開放秋江上  
方信高人無競心

徐凝

疑以開元寺牡丹詩見知於樂天其廬山瀑布及縉雲鼎湖詩皆惡劣不足採而負一世之名宜杜紫薇之右張承吉也

朗吟白練界山青空負徐凝一世名他日若教爭鼠穴  
試拈青壁遞猿聲

白雲連鳥道青壁遞猿聲疑之佳者也

王智興

李陵章句右軍書孝節忠規兩有餘莫訝將軍吟競病  
龍襄比視定何如

雍陶

匪藝求知馮道明清詞好媚謝宣城江聲入寺侵樓雨  
十字雍陶足一生

趙嘏

倚樓長笛古今聞星漢高秋野望分魂  
青娥橫水驛  
陽臺何處夢歸雲

李正封

牡丹第一正封詩國色天香夜染衣天子愛才如愛色

玉臺金盞看楊妃

項斯

誰向江東識項斯  
蒼梧雲氣白頭詩  
何人不解藏人善  
獨有平生楊敬之

白敏中

河水九盤收數曲  
天山千里鎖諸關  
平生不負賀拔基  
名姓何妨居第三

李羣玉

九疑凝黛隔湘烟  
月落山深哭杜鵑  
不見吹笙李羣玉  
黃陵秋色自年年

李洞

搜奇五字師無本  
絕唱一聯收子華  
不向昭陵成痛哭  
王孫歸路隔三巴

王起

四舉知名王舉之  
用心空學秤無私  
曲江特罷題名宴  
此意惟應上相知

李德裕

章孝標

巢幕巢梁計總非  
紅花白首巧相違  
桐廬山好不歸去  
却傍人家門戶飛

鄭谷

壬辰年稿

臨水相看獨去舟  
鷓鴣吟斷擅風流  
不知海日生殘夜  
何似鴛鴦落渡頭

李益

稽命久淹從事幕

司空圖事

感恩不上望京樓  
西涼世將從

軍慣只愛騎羊詠  
六州

許康佐

權闡生與正人讐  
李訓王涯總見收  
餘祭空勞問許五  
文皇端不解春秋

溫飛卿

六叅簿尉不須猜  
政府將軍止忌才  
枉却詩人玉條脫

白頭翁老事堪哀

金荃豔曲齒牙香  
溫李西崑獨擅場  
頭白京華死心客

哀吟苦調感滎陽

十口滿墮待一身  
半年千里絕音塵  
鬢毛如雪心如死  
猶作長安下第人  
溫憲題崇慶寺壁句也  
憲飛卿

子

姚合

晚將風誼匹玄英  
太祝詩高處士名  
入室幾人稱弟子

極玄同奉一先生

合與方干齊名極玄集選唐人  
詩至今傳之第三句方干句也

王易簡

青山得去且歸去  
官爵有來還再來  
誰遣華陽王易簡  
多時汨沒向塵埃

陸鴻漸

茶星天上化爲人水譜爭傳張又新身後可憐仍水厄  
家家湯鼎沃茶神

張祐

知已惟應杜紫薇一聲河滿斷腸詩可憐不入元郎格  
獨抱雕蟲歸去時

段文昌

鵠鳴驛前梅蕊綻武擔寺外晚天長每誦山明落照句  
方知世有段文昌

李山甫

幽蘭綠水一傷神夢裏輸贏總未真從訓兵來權相死  
自矜頭角是何人

孫鮐

解道驚濤濺佛身天多剩月地無鄰誰知一宿金山寺  
張祐詩成更有人

繁知一

安排雲雨候清詞爲報忠州刺史知可惜歷陽劉夢得  
巫山空過不留詩

禹錫理白帝三年欲作一詩而不能罷郡過神女廟  
悉去千餘詩獨留沈佺期王無競皇甫冉李端四詩

樂天過之與繁同濟  
但吟四篇卒不賦詩

鄭畋

清姿玉峙鄭台文  
草制能生韋路  
嗔爲報李庚多  
置酒江亭醉唱竹枝人

韋蟾

悲莫悲兮生別離  
登山臨水送將歸  
武昌大有金城柳  
一唱楊枝雙淚揮

滕邁

萬里橋邊映酒旗  
可堪飛入笛中吹  
腰肢十五楊枝女  
愛唱滕郎絕妙詞

崔郊

綠珠收淚返蕭郎  
連帥名應日月光  
何似東京李逢吉

三山路絕海茫茫

段成式

安成家學自淵源  
博物居然似茂先  
澁體濫觴三十六  
差排韻牒選佳聯

李季蘭

遠水寒星伴使車  
校書芸閣寂寥餘  
薔薇架却心情亂  
一德何如班婕妤

開元宮人

着意添綿禁掖情  
後生緣竟結今生  
恩深神策黃金鎖  
扈蹕嚴程蜀道行

關盼盼

十載歌樓不畫眉何如垂老別楊枝香山句劇聊城矢  
忍誦佳人絕命詞

宋若照

同領宮中學士銜廷芬宜女不宜男宋廷芬五女皆有文學  
同入唐宮男獨不慧昭  
容色藝班姬學歷事三朝更死讒

崔鶯鶯

無情空續會真詩夢斷空廊待月時絕代風流王實父  
為伊千載寫相思

魚玄機

雲情仙貌勝花芳獨倚瑤徽秋興長好為綠  
人生難得有情郎  
神一語

靈澈

西江孤韻激么絃劉夢得語獨數湯休配皎然弔客青蠅黃  
犬去誰知僧到赤烏年

貫休

越劍霜寒十四州蜀臺寂寂對巴丘黃金不鑄鍾期像  
到死無人識貫休

自有此心自不知參禪空笑貫休遲石霜進問休彈指  
白菡萏花三四枝

赤梅檀塔六七級白菡萏花三四枝禪客相逢只彈指此心能得幾人知石霜問云如何是此心休不能答

霜云試問我休問之  
霜云能有幾人知

皎然

清江靈一共揚波大曆名流鑒賞多何事杼山著詩式

偷人意格恁么麼

杼山嘗仿韋蘇州古體數篇不為所賞明日獻其  
舊製乃大稱賞云人各有所得非卒能致何不以

所工見投乃  
希老夫意耶

清塞

周賀依然過去僧解吟寒葦露船燈遠山空翠湘流碧

惟有長江似爾能

賀與賈長  
江齊名

文秀

靈一心傳清塞心可公吟續楚公吟

鄭谷  
句

松堂夜宿論

詩意文秀由來得旨深

處默

身外求身未了人夢中說夢祇傷神

僧淡  
交也

到江吳地中

峰上處默吟來五字真

齊已

齊已名將德隱齊神州斜日轉壇西廬峰月共虛無白

崔顥詩成不敢題

可朋

獨步殘春空落花醉髡心醉少陵家虹收嶂雨江潮落  
滕閣詩成月未斜

靈一

雲路千峰向若耶  
春山古木謝敷家  
解識西陵潮信滿  
滄洲落日思何涯

棲白

燈明雪屋夜安禪  
聽雨寒更坐默然  
管領風騷姚少監  
共師文字有因緣

隔牆

玉管瑤笙吹月明  
美人嬌弄可憐聲  
隔牆記拍拈紅豆  
酒冷香銷欲二更

誰料

曉涼吹徹玉參差  
竹外清謳教小姬  
誰料東鄰閨宋玉  
登牆斜映桂花枝

戲和十五首

覲面相看斂笑顰  
菱花鑄出可憐身  
移燈就月虛留影  
為問何如鏡殿真

午枕融酥暈未消  
晚妝隨意掠雲翹  
遠山一髮眉痕淺  
留與蕭郎揀樣描

一斛蘭湯未怯深  
雲屏獨背掩羅襟  
不教冰雪和盤出  
銷得紅窗颯浴金

臉暈微醺琥珀醲  
半開桃李笑春風  
強斟玉笋遮郎飲

狂態頻教賺次公

銀葉微銷睡鴨烟  
氤氳幃幙失清眠  
賈姬相服香何許  
韓掾衣香絕可憐

琪樹瑶林自一枝  
名花須倩美人持  
逢郎不語還成笑  
香氣微嗔蛺蝶知

小杓分量玉女泉  
砂瓶活火避新烟  
從郎乞取釵頭茗  
閨閣茶星手自煎

畫舫湘簾曲宴移  
水仙遊戲狎江妃  
郎船花外儂花裏  
要趁鴛鴦一處飛

豔曲輕調細欲無  
靜拈紅豆費工夫  
不將小誤邀郎顧

自騁歌喉一串珠

蓄水添泥怕蟻侵  
花開並蒂更同心  
美人移向蘭閨去  
只說幽蘭最喜陰

簪花格美衛夫人  
把筆晴窗寫洛神  
爲愛臨池女義獻  
研煤啞管肯辭頻

柳絮才高愛誦詩  
玉臺小本繼關雎  
年來止詠郎新句  
手盥薔薇寫豔詞

裙衩芙蓉八幅迴  
紅窗新繡稱身材  
仲山袞職知何補  
且讓拈針薛夜來

閒開奕譜就郎商  
花下文楸送日長  
勝負平分三百六

中間一着小翰郎

度竹穿廊玉一輪芳階羅襪淨無塵郎邊顧影成虛妒  
更說姮婦是忍人

歲宴對酒

勾除殘臘及茲晨白髮支離笑此身誕謾有文堪送鬼  
摧頽不死尚爲人銷磨歲月冰霜改整頓鶯花氣象新  
酒綠燈紅耽夜醉唾壺敲缺向陽春

催妝詩二首

玉鏡臺前試晚妝含顰初着嫁衣裳題詩爲報吹簫侶  
拂拭梧桐待鳳凰

華燈夾道引鸞車碧玉凝妝未破瓜一語贈君知匿笑  
真成玉樹倚蒹葭

定情詞

繡帳嬌多不自持愛郎心性怯郎時良宵密意知何許  
忍淚含羞約鬢絲

戲贈

慧性臨妝索豔詩曉妝雲髻倦釵筓蔗甘首尾艱初啖  
密味中邊漸自知鴛枕紅冰消玉筋銀杯雪乳漬臙脂  
木蘭一闋清詞好似惱蕭郎睡起遲



